

日本漢文學百家集

王焱 編

113



北京燕山出版社



王焱 主編

日本漢文學百家集
113



北京燕山出版社

第一一三册

白石先生遺文 上下卷 新井白石著	………	一
白石先生餘稿 三卷 新井白石著 享保二十年	………	一六七
陽春館遺稿 六卷 京極高明著 安永九年	………	三六五

白石遺文

全

白石先生遺文卷上目錄

史論

垂仁皇后之禍

景行并彥狹島王為東山十五國都督

仲哀崩

古事記不係神后之事

應神非十四月生

應神位定矣

讀仁德帝紀

武內大臣釋寃

大連之乱

馬子弒帝

新羅贊子

東史多訛

日本府建置沿革

大化元年八月懸鐘設置

孝德改新詔

天智崩

卷下

天武十三年十月始定八姓

并省官負

關白阿衡

報在唐僧中權牒

以上史論

宋徽宗遺日本書跋

元祖遺日本書跋

題靖臺實錄

南島志總序

采覽異言序

題采覽異言後

蝦夷志序

與土肥元成書

此以下三
篇文不全

論互市權場

律呂說

起請文考證

鞍馬寺所藏古甲記

左中將源公歿年考

鹽竈社考

鹽竈松島圖誌序

江關遺聞序

青山公竒石記

問日持上人事跡書代作

告瀨戶神文代作

詩

竹石鎮歌

藤臺老五秩壽詩

失題

賀安子先七秩

伏承特旨近侍御座以觀朝儀

謝人惠壓尺

天爵堂賞月和鳩巢韻

聯句

失題

酷暑聯句

白石先生遺文卷上

史論

堯仁皇后之禍

古事記略曰皇后母兄沙本毗古王開化帝孫彥坐
王子也王陰蓄異志因誘皇后謀以篡立即授匕首
教之曰方其酣寢乃得從事焉帝嘗晝寢枕后膝而
臥后憂心惛惛及此因思我兄所謀若是之時也不
覺泣下沾帝面帝驚寤曰我今夢暴雨自沙本來一
小錦蛇纏我頸是何祥也后乃嗚咽以其情告苦請
伏罪帝曰非皇后之罪也即癸近縣卒命討沙本毘

古王嬰城而拒之后徒跣而出自後門走入于城時
后既有娠帝勅莫急攻之及后生子男也后抱寘諸
城外曰天皇若以為子幸賜收養焉帝乃募壯士曰并
獲其母及后授皇子因欲執之髮鬕衣珮觸手皆
絕遂不能獲之古事記云天皇欲必獲皇后乃選軍
中多力輕捷之士曰併取其母若身
若首隨手所觸急捉而獲之右心亦疑之乃自鬕戴
其髮玉緒及衣皆用酒令腐故其所執皆斷裂遂不
能獲耳玉緒者絲繩貫
王以纏手為之飾也帝使人問曰凡名子其母名
之此兒以何名后對曰當今城中火作而生于此宜
稱本牟智和氣御子本火也牟智貴也和
氣別也古男子稱又使問曰
養兒如之何曰宜擇于諸母與可者又復問曰后宮

之事當繼者誰曰妾聞且波比古多須養智字斯
王之二女淑範懿行宜皆為內助耳皇后遂與其兄
焚死于圍中

嗟呼后與聞兄謀其力不能回亦不忍不告既以告
矣豈復忍令我兄獨死于罪乎方其有娠忍死須臾
使其主兒幸得所託天也及城將陷對帝之言委曲
周悉皆當于理非其視死如歸而能若此乎嗟亦烈
哉帝當其大義則滅其親而今觀與后相問猶及其
後事何其哀也雄略之世有曰狹穗彥玄孫齒田根
命者雖行不軌如王而罪弗及厥嗣也泰誓曰有眾

無罪予曷敢越厥志古者仁人恭行天之罰豈復有他哉蓋天下之公義也夫苟天下之公義不可得而私亦不可得而避也帝於是舉則仁之至義之盡矣

甲辰三月二十七夜燈下

景行拜彥狹島王為東山十五國都督

初崇神命皇子豐城入彥令治東方及帝之世東方大亂天威一震海外看截帝乃使王嗣前業莅于舊邦蓋以東人之望也東人傷王不來竊取其屍以歸葬焉嗟夫東人慕王如此之切乃其追思前王久不忘也非皇子之化及人深且厚曷能至此哉周人思

召伯而愛其樹况於其子孫者乎王之子御諸別王
克世其德甚得兆民和夷人率服來獻其地卒使廟
廊之上莫有東顧之憂詩曰大邦維屏大宗維翰懷
德維寧宗子維城其斯之謂與厥後子孫受姓者三
十二氏世承其祀千有餘年善之所積其愛者餘豈
不信哉帝八十一子未有一人受大國者也而帝亦
惟其德委王父子以東山十五國事是亦可以觀其
無所容私于天下焉皆賢論二南之化以歸于文王
之德帝之為德可謂至矣

甲辰三月二十
五夜燈下昏

仲氣崩

諸史帝紀事可疑極多帝為日本武子而崩年五十
二可疑之甚說見于前帝嗣位之初乃幸角鹿去巡
南國遂討熊襲至穴門國駐蹕七年莫有一事所紀
焉既而度海至樞日浦進暫熊襲軍敗而還崩于行
宮舉皆可疑而其尤可疑者一旦宮車晏駕事出乎
曖昧之間蓋是二皇子兵所以問其故也三史紀事
皆有少異而古事記止言不聽神言不言彼中賊矢
舊事紀日本紀皆謂帝自擊賊失利而還而不言其
所戰是為何地則古事記疑近矣美竊謂帝不聽神
言可謂英明之主矣鄭人拒王師射王中肩漢祖擊于